

RESOLUCIÓN REITORAL POLA QUE SE AMPLÍA O CRÉDITO DA CONVOCATORIA DE “AXUDAS AO ESTUDO UVIGO” NO CURSO ACADÉMICO 2023/2024

Visto o artigo 58.2 do *Real Decreto 887/2006, polo que se aproba o Regulamento da Lei 38/2003, Xeral de Subvencións*, que establece as condicións nas que se poderá ampliar o crédito dunha convocatoria de subvencións,

Existindo dispoñibilidade de crédito que cumpre as condicións establecidas por mor da imposibilidade técnica de executar o orzamento previsto para a convocatoria de desprazamento de prácticas curriculares e a convocatoria de mobilidade SICUE,

De acordo coa base 4ª das Bases reguladoras publicadas por Resolución Reitoral de 29 de xaneiro de 2024 pola que se convocan as *Axudas ao estudo propias da Universidade de Vigo do curso 2023/2024* que establece “No caso de existir crédito dispoñible nas condicións establecidas no artigo 58 do *Real Decreto 887/2006, polo que se aproba o Regulamento da Lei 38/2003, Xeral de Subvencións*, poderase fixar unha contía adicional. O incremento do crédito queda condicionado á declaración de dispoñibilidade do crédito e, no seu caso, á previa aprobación da modificación orzamentaria que proceda. A ampliación de crédito deberá ser publicada no Portal de bolsas da web da UVIGO e nos rexistros xerais da universidade, con carácter previo á resolución e concesión sen que tal publicación implique a apertura de prazo para presentar novas solicitudes nin o inicio dun novo cómputo de prazo para resolver”.

ESTA REITORÍA RESOLVE:

1. Ampliar o crédito da convocatoria de *Axudas ao estudo propias da Universidade de Vigo do curso 2023/2024* por un importe de **50.000 euros** na aplicación orzamentaria 2022 0000 121D 482.03 para o que se achega o correspondente certificado de existencia de crédito.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998, do 13 de xullo, reguladora da Xurisdición Contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do Procedemento Administrativo Común das Administracións Públicas*.

Vigo, na data da sinatura electrónica

O reitor

Por delegación RR 31/10/2023 (DOG 10/11/2023)

A vicerreitora de Estudantado e Empregabilidade

(*Natalia Caparrini Marín*)

